



**Î ðÃàòÃÚ²Û Î àØÆÎ °  
Ð² ԲÌ °Î ì àòÃÚàòÛ**

Նախագահ՝ *բ.գ.թ. Գևորգ Վիգենի Յաղջյան*

26 հունվարի 2004 թ.

Հայկական Բժշկական Ասոցիացիայի Կրթության Կոմիտեն (ՀԲԱ-ԿԿ) առողջապահության ոլորտում կրթության հարցերի ուսումնասիրման, վերլուծման և կարգավորման մարմին է, որն իրականացնում է նոր և պահպանում գործող կրթական ծրագրերը ՀՀ առողջապահության համակարգում:

**1. Գիտական սեմինարների կազմակերպում.**

Սեմինարները անց են կացվել ԵրՊԲՀ ընտանեկան բժշկության ամբիոնի լսասարանում՝ մասնակիցների նախնական տեղեկացմամբ: FAR-FAA Salzburg Seminars-ի հետ համատեղ պոլիկլինիկական օդակի բժիշկների համար կազմակերպվել են հետևյալ սեմինարները.

- a. Վերին վերջույթի վիրաբուժություն (6 դասախոսությունների ցիկլ Ֆրանսիայից հրավիրված մասնագետների հետ համատեղ);
- b. SARS – ոչ սպեցիֆիկ թոքաբորբ;
- c. Սրտաբանություն, սրտավիրաբուժություն Վանաձորում (Նորք-Մարաշ բժշկական կենտրոնի հետ համատեղ);
- d. Անհետաձգելի մանկաբուժություն;
- e. Միզապարկի քաղցկեղ:



**2. Ապացուցողական բժշկության ուսուցում.**

Անց են կացվել կարճ գիտական սեմինարներ.

- a. Երևանում – ՀՀ ԱՆ Ուռուցքաբանության ինստիտուտում՝ Հայաստանի Ամերիկյան Համալսարանի առաջատար փորձագետների մասնակցությամբ;
- b. Ստեփանակերտում:  
BMJ-ից ստացված Evidence Based Medicine (EBM) գրականությունը թույլ կտա մեզ սկսել բժշկության առանձին բնագավառների համար տպագիր նյութերի պատրաստումը: Նախապատրաստված է դրամաշնորհի նախագիծը, որը գտնվում է դիտարկման փուլում:

**3. Շրջանների լավագույն բժիշկների ուսուցման ծրագրեր ՀՀ և արտասահմանի առաջատար բժշկական կենտրոններում.**

Անց է կացվել մրցույթ գլխացավի թեմայով գիտաժողովին մասնակցելու համար: Մշակվել են այդ մրցույթին գրվելու հատուկ ձևեր, անգլերենի իմացության քննություն: Անգլերենի քննության արդյունքներով առանձնացվել են հիմնական թեկնածուները, որոնք վերջնականորեն ընտրվել են հատուկ հանձնաժողովի կողմից: Տվյալ ծրագիրը հնարավոր դարձավ իրականացնել Տորոնտոյի Հայ Բժիշկների Ասոցիացիայի (AMCAO) կողմից հատկացված դրամաշնորհի օգնությամբ: Բացի այդ, նախապատրաստվում է Երիտասարդ Բժիշկների Երկրորդ Միջազգային Գիտաժողովի 2 հաղթողների այցը Ֆրանսիա:

## 4. Բժիշկների համակարգչային և ինտերնետ ուսուցում.

Վերջին ժամանակներս, ապացույցների վրա հիմնված բժշկության (ԱՀԲ) օրեցօր զարգացման ու առաջընթացի հետ, հատկապես արդիական է դարձել կատարված հետազոտությունները, գիտական աշխատանքները, սիստեմատիկ ակնարկները և այլն ավելի ակնառու և գիտականորեն հիմնավորված ձևով պատրաստելու և ներկայացնելու խնդիրը՝ միևնույն ժամանակ խնայելով բժիշկ-գիտնականի ժամանակային ու ֆինանսական միջոցները: Մյուս կողմից, դեռ մինչ օրս Հայաստանում կան բժիշկներ (որոնց մի մասն ընդ որում բավական հմուտ և պրոֆեսիոնալ մասնագետներ են), որոնք այս կամ այն պատճառով չգիտեն օգտվել ժամանակակից գիտության և տեխնոլոգիաների ընձեռած այնպիսի բացառիկ գործիքներից, ինչպիսիք են օրինակ վիճակագրության, շնորհանդեսների, մեջբերումների և այլ համակարգչային ծրագրեր: Հաշվի առնելով վերը նշված իրավիճակը, բժիշկների ընդհանուր կրթական և ինչու չէ՛ նաև մասնագիտական մակարդակը բարձրացնելու նպատակով Հայկական Բժշկական Ասոցիացիայի Կրթության Կոմիտեն (ՀԲԱ-ԿԿ) կազմակերպելու է հետևյալ, առավել հաճախ կիրառվող համակարգչային ծրագրերի էքսպրես-դասընթացներ:

## 5. EndNote 7.0 – մեջբերումների ծրագիր՝ reference manager.

Պատրաստված են EndNote ծրագրի պարապմունքների նյութերը: Նախատեսվում է դասընթացը սկսել 2004թ. փետրվարին:

## 6. Բիոստատիստիկա.

ՀԲԱ գրասենյակում ՀԲԱ անդամներին «Ստատիստիկա» առարկայի ուսուցանում և նրա կիրառում գործնականում գիտական ուսումնասիրությունների, մասնավորապես, բժշկագիտական հետազոտությունների, առողջապահության կազմակերպման և այլ ոլորտներում: Դասընթացը օգտակար կլինի հատկապես *ցանկացած տիպի գիտական հետազոտություններում* ընդգրկված անձանց համար: Դասընթացը նախատեսում է 8 պարապմունք (2 ամիս, շաբաթական 1 անգամ): Պատրաստված են տպագիր նյութերը:



## 7. Փոխանակային ծրագրեր Հայոց Սփյուռքի ուսանող-բժիշկների համար.

Սփյուռքի հայ բժիշկների տվյալների բազայի միջոցով ուղարկված է տեղեկատվություն այն մասին, որ հայ ուսանող-բժիշկները կարող են անցկացնել ամառային պրակտիկա Հայաստանում: Ներկայումս ունենք ԱՄՆ-ից 2 պայմանագիր:

## 8. Անկախ բժշկակենսաբանական լաբորատորիայի ստեղծում.

Սկսվել են դոնոր կազմակերպությունների հետ երկխոսությունները՝ նախագծի ֆինանսավորման հետ կապված: Մշակվել է նախագծի քիզնես-պլանը: Ներգրավված են գիտահետազոտական ինստիտուտների ղեկավարներ, գիտնականներ, ուսանողներ:

## 9. Էթիկ կոմիտե.

Կայացել է ՀՀ ԱՆ Պետական Էթիկ Կոմիտեի (ՊԷԿ) հետ կոնսուլտացիայի առաջին փուլը՝ կապված տեղային կոմիտեների ստեղծման հնարավորության հետ: Առաջին ժողովի ժամանակ ՊԷԿ քարտուղարը ներկայացրեց գործի դրությունը Հայաստանում տվյալ առումով, ինչպես նաև տվեց անհրաժեշտ փաստաթղթերի ցուցակը: Կազմվել է ՀԲԱ Էթիկ կոմիտեի ստեղծման նախաձեռնող խումբ: Տարվում են թղթային աշխատանքները:



## 10. Կլոր սեղաններ.

ՀԲԱ նախաձեռնությամբ մենք հանդես ենք եկել մի քանի ժողովում զեկույցներով՝ նվիրված հետևյալ հարցերին.

- Ստանդարտները բժշկության մեջ
- Հասարակական կազմակերպությունների դերը առողջապահության գործում

## 11. ՀԲԱ-ի ներկայացում հասարակությանը.

Անց են կացվել հետևյալ հանդիպումներն ու խորհրդատվությունները.

- ԵրՊԲՀ 5-6-րդ կուրսի ուսանողներ;
- Արցախի կլինիկական օրդինատորներ;
- ՀՀ ԱՆ Ուռուցքաբանության ինստիտուտի անձնակազմ;
- Արցախի բժիշկների ՀԿ;
- Սփյուռքահայ ուսանողներ, բժիշկներ, կլինիկական օրդինատորներ;
- Ռոտարի միջազգային կազմակերպություն:



## 12. Դրամաշնորհային ծրագրեր.

Ներկայացվել են հետևյալ նախագծերը.

- Կանանց առողջություն (հավանության չի արժանացել ԲՀԻ-ի կողմից)
- Հիվանդների գիտելիքների մակարդակի բարձրացում տարբեր հիվանդությունների առումով (հավանության չի արժանացել ԲՀԻ-ի կողմից)
- Հիվանդների գիտելիքների մակարդակի բարձրացում ուսումնական գրքույկների օգնությամբ - գնտվում է Aid Armenia ՀԿ դիտարկման տակ
- Ապացուցողական բժշկության գրքույկներ - գնտվում է Aid Armenia ՀԿ դիտարկման տակ